

ASUNTU NE'EBÉ PRESIZA TAU ATENSAUN

- ▶ **Insidente liga ba joven no arte marsiais sai número a'as no sai preokupasaun nasonál**
- ▶ **Insidente hamutuk 10 iha Novembru no 8 iha Dezembru liga ho ritual kulturál família nian**
- ▶ **Insidente disputa rai sei buras iha kualkér munisipiu iha territóriu tomak**

INSIDENTE REZULTA EMA NAIN 5 MATE TANBA PROBLEMA JOVENTUDE NO ARTE MARCIAIS

Problema joven sei sai kestaun importante iha dezvoltamentu nasonál. Joven ba autór iha insidente hamutuk 25 kazu iha fulan Novembru no 30 kazu iha fulan Dezembru. Abut problema seluk ne'ebé fó impaktu boot ba preokupasaun estabilidade nasonál iha fulan Dezembru mak arte marsiais, maske kazu ne'e la dun maka'as iha tinan 2014. Janeiru – Jullu 2014 laiha insidente hanesan atu liga ho arte marsiais. Iha kazu 4 iha Agostu, kazu 2 iha Setembru. 2 iha Novembru no iha Dezembru 2014 hamutuk iha insidente 8 no rezulta joven na'in 5 mate, 3 iha Baucau 2 iha Dili. Esforsu barak husi joven ho iniciativa ba harii dame maibé, problema joven seidak iha progresu ne'ebé signifikante, joven fasil liu atu monu ba situasaun violénsia.

Insidente sériu ida, liga ho Joventude no Arte Marsiais akontese iha loron 30 Dezembru 2014 tuku 10.00 dadeer, iha Bairu Akam, Suku Nunira, Postu Administrativa Laga, grupu baku malu to'o oho malu. Kronolojia insidente mak iha dadeer maizumenus tuku 8:00, joven ida husi Buigira ba Laga ho motor hodi taka roda no enxe mina. Joven sira iha Bairu Akam nota hela nia mak baku sira nia maluk iha loron hirak liu ba, entaun sira bolu malu no hein nia iha dalan. Iha tuku 10.00 dadeer, joven ida husi Buigira ne'e fila husi Laga no hetan kedas ataka husi grupu joven iha Bairu Akam. Hare situasaun ne'e, entaun ninia joven maluk husi Buigira fó hatene nia kolega iha Buigira. La kleur joven lubuk ida husi Buigira to'o iha fatin, Bairu Akam no halo asaltu malu to'o joven ida mate kedas iha fatin.

Totál insidente Fulan Novembru 2014	
Distritu	Insidente
Aileu	3
Ainaru	2
Baukau	8
Bobonaru	2
Covalima	2
Dili	14
Ermera	6
Lautein	2
Likisá	5
Manatuto	2
Manufahi	6
Oekusi	10
Vikeké	6
Totál	68

Uma hamutuk 7 hetan sunu no motor ida hetan estragus husi insidente refere. Iha indikasaun GAM (eis grupu arte marsiais) hanesan joven husi Buigira hare hanesan eis membru PSHT no grupu joven iha Bairu Akam ne'e eis membru grupu IKS. Motiv u husi insidente ne'e akontese tanba joven ida ne'ebé mai taka roda no enxe mina iha Laga, baku joven ida husi Bairu Akam iha dia 21 Dezembru liu ba bainhira joven husi Bairu Akam ne'e liu iha sira nia Bairu Buigira, mai husi Lospalos. Insidente sei kontinua iha tempu lokraik maizumenus tuku 3.20, iha Aldeia Akahasamutu, Suku Buruma, Postu Administrativa Baucau Vila, grupu deskoñesidu juventude mai asalta tan mane kaben na'in ida hanesan eis membru PSHT to'o mate. Mane kaben na'in ne'e sei toba hela no derrepente grupu ne'e mai ataka.

INSIDENTE HAMUTUK 10 IHA NOVEMBRU NO 8 IHA DEZEMBRU LIGA HO RITUAL KULTURAL FAMÍLIA NIAN

Komesa iha fulan Outubru, número insidente liga ho ritual kulturál família nian sei kontinua a'as. Hatudu katak, serimónia kulturál família sei akontese iha fulan Novembru no Dezembru nia laran maske tempu ne'e ema agrikultór fila ba sira nia to'os no natar.

Insidente ida akontese iha dia 15 Novembru 2014 oras 10:30 dadeer, iha Bairu Malepun, Aldeia Haramé, Suku Aidabaleten, Postu Administrativa Atabae, Munisipiu Bobonaro. Diskuti malu entre grupu família uma lisan Lotan ho uma mane husi uma lisan Cowa no Aibuti Phun. Motiv u husi insidente ne'e tanba parte rua hadau malu fatin atu hari'i estátua ai-tos avó fetu ho avó mane nian. Tuir família husi uma lisan Lotan, estátua ai-tos avó fetu no avó mane tenke hari'i iha fatin foun seluk maibé parte família uma-mane husi uma lisan Cowa no Aibuti Phun hakarak hari'i iha fatin tuan. Asuntu ida ne'e maka halo grupu família rua diskute malu to'o taa malu maske la rezulta kanek iha parte rua. Insidente refere consege hakalma no rezolve kedas husi parte Komandante Eskuadra Atabae, ASD, CDO, OGL, Xefe Suku, Xefe Aldeia Haramé, Beacou no Sulilaran. Rezultadu maka hotu-hotu konkorda hari'i estátua ai-tos avó fetu no avó mane ne'e iha fatin ida uluk ne'ebé avó sira hari'i nanis ona.


Totál insidente Fulan Dezembru 2014	
Distritu	Insidente
Aileu	2
Ainaru	4
Baukau	10
Bobonaru	0
Covalima	3
Dili	17
Ermera	4
Lautein	2
Likisá	14
Manatuto	4
Manufahi	4
Oekusi	9
Vikeké	5
Totál	78

INSIDENTE HAMUTUK 9 IHA FULAN NOVEMBRU NO 14 IHA DEZEMBRU LIGA HO DISPUTA RAI BA TO'OS NO NATAR


Insidente liga ho disputa rai hamutuk 9 iha fulan Novembru no 14 iha Dezembru. Insidente liga ba disputa rai sai kategoria númeru hat iha númeru insidente fulan Dezembru no númeru neen iha fulan Novembru. Ezemplu insidente ida akontese iha Munisipiu Manufahi mak hanesan tuir mai.

Iha dia 25 Novembru 2014, oras 10.00 dadeer, iha Aldeia Orlora, Suku Bubu-Susu, Postu Administrativa Alas Munisipiu Manufahi, akontese komidade husi Suku Fahinehan ba sobu lutu no sunu uma to'os komidade Bubu-Susu nian. Motivun husi insidente ne'e mak tanba komidade Bubu-Susu lere to'os kuaze hetares 8 hodi kuda batar. Iha tempo ne'ebá, Xefe Suku Fahinehan ba fó hatene Administradór Postu Administrativa Fatuberliu ho Polísia Eskuadra Eskuadra Fatuberliu hodi halo mediasaun atu labele halo to'os iha rai ne'e tanba rai disputa entre komidade rua. Tan ne'e, Administradór Postu Administrativa ho Komandante Polísia Eskuadra ba halo tiha mediasaun iha fulan Outubru fulan kotuk hodi hapara labele halo natar kuandu udan mai. Komidade Bubu-Susu la satisfás ho desizaun ne'e no tuir sira nia hanoin katak, se nune'e duni, foin hahú lere rai ne'e hapara tiha kedas hodi labele kolen. Iha dia 24 Novembru 2014, komidade Bubu-Susu ba kuda batar depois dia 25 Novembru 2014, komidade Fahinehan mai sobu tiha lutu no sunu tiha uma to'os refere. Insidente kontinua iha dia 29 Novembru 2014, grupu ida husi komidade Suku Bubu-Susu, tau farda PNTL ba ataka Xefe Suku Fahinehan to'o latan ba rai. Iha tempu hanesan, komidade Suku Fahinehan ne'ebé iha Same laran, bolu malu mai Fatuberliu hodi hasoru grupu komidade Suku Bubu-Susu. Insidente ne'e rezulta Xefe Suku kanek todan tanba hetan baku ho ai-pedasuk ida ne'ebé prega ona pregu no mane na'in rua mós kanek tanba hetan tuda. PNTL husi Munisipiu Manufahi, Postu Administrativa Same mak mai hakalma situaun no ambulánsia husi Same mai tula kanek sira lori ba Óspital Same. Membru komidade na'in neen hetan kapturasoun no tama sela preventiva Polísia Eskuadra Same.


KARATERÍSTIKA INSIDENTE




Se Mak Hahu / Halo Violensia (Novembru)




Se Mak Hahu / Halo Violensia (Dezembru)




Insidente Fatin (Novembru)




Insidente Fatin (Dezembu)



Metodu Violensia (Novembu)



Metodu Violensia (Dezembu)




Saida Mak Ema Hahu Violensia Nia Jeneru (Novembu)




Saida Mak Ema Hahu Violensia Nia Jeneru (Dezembu)




Tipu Violensia (Novembu)




Tipu Violensia (Dezembu)




Se Mak Vitima Nia Jeneru (Novembru)




Se Mak Vitima Nia Jeneru (Dezembu)




Hun no Abut Konflitu (Novembru)




Hun no Abut Konflitu (Dezembu)





Se Mak Responde (Novembru)



Se Mak Responde (Dezembu)





ATIVIDADE PREVENSAUN NO RESPONDE BA KONFLITU

Atividade ne'ebé Hala'o husi Ekipa Demokrasi no Dezenvolvimentu liuhusi Asaun Media no Hakbi'it (DAME):

- ▶ Fo treinamentu Transformasaun Konfliktu ba CDO (community development officer). 13 CDOs husi postu administrativa 13, munisipiu 8 durante loron tolu komesa dia 10-12 Dezemburu 2014. CDO sira barak mak involve a'an iha RPRK tanba nee, treinamentu Transformasaun Konfliktu ajuda funsionáriu governu fasilita no hametin kbi'it ba rezolve problema iha comunidade nia leet.



- ▶ Radio Talkshow iha Oekusi. Atividade ne'e realiza iha 21 Novembru 2014 kolaborasaun ho Radio Komunitade Atoni Lifau Oekusi. Membru RPRK mak involve iha eventu ne'e mak hanesan Adjuntu Administrador Rejiaun Especial Oekusi, OGL Sub-Rejiaun Nitibe no Peskizador husi Belun.

Atividade Ne'ebé Hala'o Husi Ekipa Atensaun no Responde Sedu (AtReS)

- ▶ Fo diskursu kona-ba Joventude no Violénsia iha Konferensia Nasionál Joventude 2014 iha dia 25 Novembru 2014 iha Sentru CCD, Markado Lama Dili. Harii konsiensia ba joventude sira katak, involimentu joven iha tipu violensia oi-oin iha comunidade.
- ▶ Fo diskursu kona-ba sistema AtReS ba funsionariu departementu Harii Pás no Koezaun Sosiál, MSS iha 28 Novembru 2014 iha Timor Plaza Dili. Fahé esperiensa oinsa sistema ne'e hala'o no ajuda redus tensaun konfliktu iha comunidade liu husi parseiru Rede Prevenaun no Responde ba Konfliktu. Tanba nee, MSS-UNDP husu Belun fahé esperiensa ba ekipa MSS ne'ebé partisipa kuaze 35 pesoas.
- ▶ Fo treinamentu Refreshing Training ba monitores Belun hodi orienta fila fali saida mak sira nia kna'ar no responsavel iha comunidade liga ho papel Monitores. Total partisipante hamutuk 22 monitor (feto 6, mane 16) husi Munisipiu Aileu, Bobonaro, Ermera, Aileu, Dili, Manatutu, Ainaro no Baucau. Treinamentu komesa iha dia 1-3 Dezemburu 2014 iha Salaun Enkontru Belun, Farol Dili.



Atividade Ne'ebé Halao Husi Ekipa Mediasaun no Rezolusaun ba Disputa (MRD)

- ▶ Halo mediasaun ba kazu disputa rai iha Maliana, Suku Ritabou. Mediasaun ne'e realiza iha dia 19 Novembru 2014 iha edifisiu Diresaun Terras Propriedade e serbisu Cadastrais (DTPSC) Munisipiu Bobonaro. Partisipa iha mediasaun ne'e mak disputante nain rua ho sira nia familia, representa DTPSC, Polisia Komunitaria no ekipa husi Belun. Disputa rai eransa entre maun ho alin kontinua la hetan solusaun tanba parte rua nafatin mantein sira nia pozisaun.

KONA-BA REVISTA NE'E

Revista situasaun ne'e relata kona-ba asuntu xave relasiona ho insidente violénsia no tendensia husi koleksaun dados monitorizasaun liu husi Sistema Atensaun no Responde Sedu (AtReS) Timor-Leste durante Novembru - Dezembru 2014. Belun esforsu atu fahé informasaun ne'ebé up-to-date no serteza ho dados atual. Hanoi katak, situasaun bele hetan mudansa ho lalais husi kontribuisaun dame ita hotu nian. Ami agradese no simu informasaun seluk ne'ebé bele klarifika ka update dados ne'ebé ami iha liuhusi sistema AtReS.

Marilia Oliveira da Costa, Jestor Sistema AtReS: bylah.belun@gmail.com

Laurensius Lein, Espesialista Prevensaun Konfliktu-Politika: laurensius.belun@gmail.com